

www.BibleForChildren.org

Mataayo 8



Mmbe, orusuku rwa akasatu mbubha-wo obhwenga mu-musi gwa Kana, Gariraaya eyo. Mu-bhwenga bhuyo, nyiramwene Yeesu woone :aariga ariwo. Yeesu na abheeyigira bhaaye bhoone :bhaariga bharaarikirwe mu-bhwenga bhuyo.



Anu bhagenyi :bhaanyweye iidivaayi niiwa-mo,
nyiramwene Yeesu ^naamubhwira ati, “Abhagenyi
bhaamara-mo iidivaayi yoone kutyo.” Niwe nyiramwene
^naabhwira abhaanu bhanu :bhaariga mbagabha
iidivaayi ati, “Ryoneryone rinu araabhabhwire, mukore.”



Yeesu ^naabhwira abhaanu bhanu
:bhaariga mbagabha iidivaayi ati,
“Mwijushe amanji mu-matuumo gayo.”
Bhoone mbeejusha amanji mu-matuumo
gayo mbeejusha jabhi. Kimwi Yeesu
^naabhabhwira ati, “Woori,
mutaye-ko amanji gayo,
musirire



omufuuyisha.”
Bhoone mbakora
kutyo.



Omufuuyisha uyo :eejire aagarabha, ^naanyoora amanji
gayo gaayindukire gaabheeye divaayi. Omwene
:ataamenyere enu iidivaayi
iyo :yaariga isookere,
nawe abhagabhi bhayo,
bhanu :bhaariga
bhatayire amanji
mu-matuumo :bhaariga
bhamenyere.



Niwe omufuuyisha ^naabhirikira omugabhusi,
^naamubhwira ati, “Unu kaakora insikukuru kaayaanaga
abhagenyi iidivaayi injomu
okwamba. Bhakamara
okukorwa, niwe ^naayaana
abhagenyi iidivaayi inu
itari njomu. Nawe awe
waabhiika iidivaayi
injomu okukira
eya okwamba,
okuyikira woori!”



Yeesu :aambire okukora ekimenyegesho, bhunu :aariga ari Kana mu-kyaro kya Gariraaya.


Ekimenyegesho kiyo :kyariga kiri ekya okwamba ekya okweresha obhugungyo bhwaye, na abheeyigira bhaaye mbamwikirisha.



Yeesu ^naayika ewa Peetero,
^naanyoora nyaabhuko Peetero
arwaye, ari na omuswija amaamirega
ku-bhuriri.



Yeesu ^naamukuun'ya ku-kubhoko, omuswija
ngumuwa-ko, ^naawora. ^Neemuka, ^naamba
okubhayaana ebhyokurya.




Orusuku ruyo keegoro, bhunu Insabhaato :yaawooye,
abhaanu bha mu-musi guyo mbareetera Yeesu
bharwaye bhaafu, na
abhaanu abhandi bhanu
:bhaariga bhawungirwe
ebhiwi. Mmbe, bhaanu
bhaafu okusooka
mu-musi guyo
mbasangira ewa
Simooni na
Ndereya ayo.



Yeesu ^naawosha abhaanu bhanu :bhaariga bhari na amarwara ga mbaga nyafu, ^naabhirimya na ebhiwi bhyafu mu-bhaanu. Ebhiwi :bhyariga bhimumenyere ati ni mwana wa Nyamuwanga, ku-nsonga iyo :ataabhisigiraga omwanya gwa okwaika kutyo mu-bhaanu.



Abhaanu :bhaariga mbeenda bhakuun'ye-ko Yeesu,
kwa okubha obhuturo :bhwariga mbumusooka-ko
mbubhawosha bhoone kutyo.



Bhunu :aariga ^naaraasha, mbaaja bhaanu,
bhari na omuunu ayangirwe na bhaanu bhana
kw-iraro. Omuunu uyo :aariga afuuye omubhiri.



Mbataamibhwa okumwingisha
mu-nyumba anu Yeesu :aariga ari,
kwa okubha abhaanu
:bhaariga bhari bhaafu.



Mbamuriinya iiguru ku-nyumba,
mbatobhora-wo, obhwima bhwa
anu Yeesu :aariga ari,
mbeesha omurwaye uyo,
ari kw-iraro.



Bhunu Yeesu :aarorere obhwikirisha bhwa abhaanu bhayo, ^naabhwira omurwaye uyo ati, “Mwana waani, waabhirwa ebhikayo bhyawo.”

“Enikubhwira ati, iimuka, wiitwike riiraro ryawo, ugende ewaawo!”



Mmbe, Yeesu ^naariinya mu-bhwato, na abheeyigira bhaaye. Bhunu :bhaayikire ebhusibha agati, riyaga nditiimuka ryafu muno na amabhooka ngarebherera okusikya obhwato. Nawe Yeesu omwene :aariga awongeeeye ntiro.



Yeesu ^naabhabhwira ati, “Kubhaki omuubhaya, emwe bhanu muri na bhwikirisha bhutooto?” Niwe ^neemuka, ^naasiiga riiyaga na amabhooka bhitemekere.

Omuyaga ngutemekera, ndibha etore.

Abheeyigira bhaaye mbaruguura,

mbaaika ati, “Ni muunuki

unu omuyaga na

amabhooka

ebhimuungwa?”



Nyamuwanga
:eendere muno abhaanu bhoone kutyo
abha mu-kyaro. Obhwendi bhuyo
mbukora ^naatuma omwana waaye
omumwemwe, insonga omuunu
woonewoone unu kaamwikirisha
asige okubhura, tari abhe na
obhurame bhunu
bhutakuweera.



Abharuumi 3:23

kwa okubha abhaanu bhoone kutyo bhakorere ebhikayo,
ebhikorwa bhyebhwe bhitakweresha obhugungyo
bhwa Nyamuwanga.

Abharuumi 6:23

Indiyo ya obhukosi bhwa ebhikayo ni rufu, tari
ekiyaanwa kya Nyamuwanga okuturira ku-Kiriisitu Yeesu,
Raatabhugenyi weeswe, ni bhurame bhunu bhutakuweera.

Abhaebhuraaniya 9:27

Rwa kutyo abhaanu bhoone kutyo bhatuuriywe-wo
okufwa rumwi era, na bhakamara okufwa mbaramurirwa
na Nyamuwanga.



Abhaefeso 2:8,9

Ni nema ya Nyamuwanga niyo ibheerusiishe okuturira ku-bhwikirisha bhwemwe, itari ati Omwerusibhwa okuturira ku-bhikorwa bhyemwe ebhijomu. Gunu ni musanga okusooka ku-Nyamuwanga omwene. Obhwerushwa bhutari ku-bhikorwa bhyemwe, insonga muunu woonewoone aasiga okwikumangya.

Abharuumi 10:9,10

Enaaika kutyo kwa okubha ukeekirisha Yeesu na akanwa kaawo ati, “Ni Raatabhugenyi” na ukeekirisha mu-mutima gwawo ati Nyamuwanga :aamusuurire okusooka mu-bhafuuye, oweerusibhwa. Omuunu akeekirisha Yeesu Kiriisitu okusookerera mu-mutima gwaye, kaabharwa ati ni murengeresi mu-meeso ga Nyamuwanga. Na okuturira ku-munwa, omuunu akeekirisha keerusibhwa.



Yowana 3:16,17

Nyamuwanga :eendere muno abhaanu bhoone kutyo abha mu-kyaro. Obhwendi bhuyo mbukora ^naatuma omwana waaye omumwemwe, insonga omuunu woonewoone unu kaamwikirisha asige okubhura, tari abhe na obhurame bhunu bhutakuweera. Nyamuwanga :ataatumire Omwana waaye mu-kyaro, ati aramurire abhaanu, tari abhaanu bheerusibhwe okuturira ku-mwene.



1 Yowana 5:11-13

Gayo nigo Nyamuwanga kaakibhwira ati, akiyaaye obhurame bhunu bhutakuweera. Na obhurame bhuyo kibhunyoorere okuturira ku-kwikirisha Omwana waaye.

Woonewoone unu ari na obhumwi na Omwana wa Nyamuwanga, ari na obhurame bhuyo. Nawe unu atari na obhumwi na Omwana wa Nyamuwanga, obhurame bhuyo atari nabhwo. Enibhakaamira amang'ana gayo, emwe bhanu omwikirisha riisiina rya Omwana wa Nyamuwanga, insonga mumenye ati muri na obhurame bhunu bhutakuweera.



Mataayo 8-9; Maariko 1-2, 4; Ruuka 4, 8;
Yowana 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Kwaya NT (kya) © 2023, Wycliffe Bible Translators, Inc.
All rights reserved

<https://www.bible.com/bible/3681/MAT.1.KYA>

©2026 Bible for Children, Inc.

www.M1914.org

www.bibleforchildren.org

